
# 阿彌陀經要解

### 阿彌 陀 紅 要解



故讀 修行。 後必生淨土夫然後可學一切佛法夫然後知十方三世佛祖之大道舉不外句方無 戲 論。 修行總以持名爲行本故三立本經之大宗以今解精徹確正堪爲要中之要 爲 如 便。 彌 述日佛法之妙莫要於淨土淨土之妙莫要於持名持名之妙莫要於小本阿 宗圓明能令美善雙盡夫然後不愧爲眞學佛者夫然後不自誤誤人夫做。 上首厥義有三一祖佛經以小本爲淨土諸經之最要故二重持名以末法 謂於小本無不知無不信無不悟入可乎既於本經有未盡一行三昧如 何 既未善持名淨土玄關如何優入既未階淨信淨願十方三世佛祖大道,謂信願, 荷擔然則要解之有關於十方三世佛祖大道也甚矣今定十要以要解 經小本之妙莫要於靈峯要解儻未讀要解或讀未精詳或精詳未貫 十要者請以要解爲主以餘九爲伴能令邪解莫入能令意見不容能 何

乎此矣

佛說阿彌陀經要解重刻序

而 所 劫 勇 能。 藏. 得 不能似 淨 1/10 妙 識之時 過道 是疏 未 至 提深警徹悟之人俾其法界圓昭盡 罔 觀 聞 弗 於 旦 者, 追屋裏事而聆者若驚不 付焉歲在丁亥靈峯大師 精義 曇掌 便 有 IE 旨, 戊申端陽後三日也古歙學人成時 所 開。 覺 譌 濫 天台聖祖 中 訂 始於 未信華陽學 吾聞善善之家機理雙契是故 誤纖 摩 觀經 勒, 制匪阿也癸巳歲大師在針 楓臣不遺渾然德音为正不 之 人 觀佛; 性 日 匯 錄 澤 出 於 名 杜虚解邪僻之習又能 是故矢必應絃藥必應 小 歙 本 不割誠諸 浦 歙 和 本 浦 今 南 演 **粒藥必** 重梓 書• 說, 釋義 經蓋 祖 所 要逐 分科, 密 不 病今要解 印諸 使。 思議 中下之 以此本授鋟謹序 間 有 佛 無 不 所 E 共加。 同・ 心 尤 遠 覺 小本 以 理 也。 機, 之 有。 議不要

清西有沙門蕅益智旭解姚秦三藏法師鳩摩羅什譯

爲各各親見廬山而已將釋經文五重玄義· 競異亦不必與二翁强同譬如側看成峯橫看成嶺縱皆不盡廬山眞境要不失 義繁邊涯莫測或致初機淺識信願難階故復弗揣庸愚再述要解不敢與二翁 鈔廣大精微幽谿師伯述圓中鈔高深洪博蓋如日月中天有目皆覩特以文富 尤爲不可思議也哉古來註疏代不乏人世遠就湮所存無幾雲棲和尚著爲疏 陀 其至直捷至圓頓者則莫若念佛求生淨土又於一切念佛法門之中求其至簡即心是佛即佛是心,不能機 原夫諸佛憫念羣迷隨機施化雖歸元無二而方便多門然於一切方便之中求 至穩當者則莫若信願專持名號是故淨土三經並行於世而古人獨以阿彌不假方便, 經列爲日課豈非有見於持名一法普被三根攝事理以無遺統宗教而無外

育 土

+

要第

阿彌陀經要解

願 第 力生五 釋名此經 | 獨惡世以先覺覺後覺無法不知無法不見者也說者悅所懷也佛以 以能 說所說 人爲名佛者此土能 說之教主即釋迦牟尼乘大悲

度 無 師。 切金 量壽亦云無量光要之功德智慧神通道力依正莊嚴說法化度一一無量也 以四十八願接信願念佛衆生生極樂世界永階不退者也梵語阿彌陀此云 高懷衆生成佛機熟為說難信法令究竟脫故悅也阿彌陀所說彼土之導 口通名為經對上五字是通別合為題也教行理三各論通別廣如台藏

所明·

非過去非現在非未來非青黃赤白長短方圓非香非味非觸非法覓之了不道理領過 

卽 相。 山 故無不相不得已强名質相質相之體非寂非照而復寂而恆照照而恆寂照 綠慮分別語言文字非離此別有自性要之離一切相即一切法離故無相。 而不可言其無具造百界千如而不可言其有離一切緣慮分別語言文字

Mi 寂强名常寂光土寂而照强名清淨法身又照寂强名法身寂照强名報身又

性德 寂 照名法身修德寂照名報身又修德照寂名受用身修德寂照名應化身

寂 照不二身土不二性修不二眞應不二無非實相實相無二亦無不二是故舉 作正作法作報作自作他乃至能說所說能度所度能信所信能願所願

能持所持能生所生能讚所讚無非質相正印之所印也三業名號,三資根四淨土,釋迦諸佛彌,陀依正

第三明宗宗是修行要徑會體樞機而萬行之綱領也提綱則衆目張挈領則襟 柏至故體後應須辨宗此經以信願持名爲修行之宗要非信不足啓願非願不

足導行非持名妙行不足滿所顧而證所信經中先陳依正以生信次勸發願以

欣 導行次示持名以徑登不退信則信自信他信因信果信事信理願則厭離 求極樂行則執持名號一心不亂信自者信我現前一念之心本非內團亦非

緣草 現物我雖昏迷倒惑苟一念囘心決定得生自心本具極樂更無疑慮是名 無 初後橫絕邊涯終日隨緣終日不變十方虛空微塵國土元我一念心

淨 土 + 要 第 阿彌陀經要解

信自信他者信釋迦如來決 無 誑語彌陀世尊決無虛願**六方諸佛廣長舌決**無

會皆從念佛三昧得生如種瓜得瓜種豆得豆亦如影必隨形響必應聲決無虛 爲成佛種子況一心不亂安得不生淨土是名信因信果者深信淨土諸善聚。以念佛爲因。

棄是名信果信事者深信只今現前一念不可盡故依心所現十方世界亦不可。以已生者為·果 實有極樂國在十萬億土外最極清淨莊嚴不同莊生寓言是名信事信理者。

深信西方依正主伴皆吾現前一念心中所現影全事即理全妄即真全修即

深信十萬億土實不出我今現前介爾一念心外以吾現前

一念心性實無外故。

全他即自我心偏故佛心亦偏 交攝不相妨礙是名信理如此信已則娑婆即自心所感之穢而自心穢理,以法界為理:•。此下,明願此即理之事;•。。;• 切衆生心性亦偏譬如一室千燈光光互偏

淨須取至究竟方無可取故妙宗云取捨若極與不取捨亦非異轍設不從事

取 捨但倘 不取不捨 即是執理廢事既廢於事理亦不圓若達全事即理則取亦即是執理廢事旣廢於事理亦不圓若達全事即理則取亦

名 以 執持登不退也然諸經示淨土行萬別千差如觀像觀想禮拜供養五悔六念 取 一捨無非法界故次信而明願也言執持名號 一心不亂

等, 頓故云清珠投於濁水濁水不得不清佛號投於亂心亂心不得不佛也信願持· 。 特 向大智舍利弗拈 一一行成皆生淨土唯持名一 出可謂方便中第 法收機最廣下手最易故釋迦慈尊無問自說 一方便了義中無上了 · 養圓頓中最短 理經 極 

經 名以爲 正宗其四種淨土之相詳在妙宗鈔及梵網玄義茲不具述俟後釋依正文中 一乘眞因四種淨土以爲一乘妙果舉因則果必隨之故以信願持名爲

富略示耳

之相若執持名號未斷見思隨其或散或定於同居土分三輩九品若持至事 第 四 明 力用 此 經 以往生不退爲力用往生有四土各論九品且 路明得 生

淨

土

+

要

第

阿彌陀經要解

即已圓證三不退如斯力用乃千經萬論所未曾有較彼頓悟正因僅爲出塵階。。。。。 皆喪食少金剛決定不消也復次祇帶業生同居淨證位不退者皆與補處俱亦 六方佛名此經名字一經於耳假使千萬劫後畢竟因斯度脫如聞塗毒鼓遠近 託 退見思旣落塵沙亦破生方便土進趨極果三位不退帶業往生在同居土蓮華 究竟寂光也不退有四義一念不退破無明顯佛性徑生實報分證寂光二行不 至四十一品則生實報莊嚴淨土亦分證常寂光上若無明斷盡則是上上實報 生生不退始可期於佛階者不可同日語矣宗教之士如何勿思 質永離退緣四畢竟不退不論至心散心有心無心或解不解但彌陀名號或 不亂見思任運先落則生方便有餘淨土若至理一心不亂豁破無明一品乃

有情依斯徑登不退故當來經法滅盡特留此經住世百年廣度含識阿伽陀藥

五教相此大乘菩薩藏攝又是無問自說徹底大慈之所加持能令末法多障

萬病總持絕待圓融不可思議華嚴與藏法華秘髓一切諸佛之心要菩薩萬行

之司南皆不出於此矣欲廣歎述窮劫莫盡智者自當知之

存正宗如身臟腑無闕流通如手足運行不滯故智者釋法華初一品皆爲序佛為流通與方不同故,科釋之 入文分三初序分二正宗分三流通分此二名初善中善後善序如首五官具

流通蓋序必提一經之綱流通則法施不壅關係非小後人不達見經文稍涉 後十一品半皆爲流通又一時迹本二門各分三段則法師等五品皆爲迹門

義理便判入正宗致序及流通僅存故套安所稱初語亦善後語亦善也哉

(甲)初序分二初通序二別序(乙)初中二初標法會時處二引大衆同聞(丙)

今初

如是我聞一時佛在含衞國祇樹給孤獨園

古今不變名如依實相理念佛求生淨土決定無非日是實相非我非無我阿難 如是標信順我聞標師承一時標機感佛標教主舍衞等標說經處也質相妙理

净土十要第一阿彌陀經要解

合說聽周足名一時自覺覺他覺行圓滿人天大師名佛舍衞此云聞物中印度 不壞假名故仍稱我耳根發耳識親聆圓音如空印空名聞時無實法以師資道

大國之名波斯匿王所都也匿王太子名祇陀此云戰勝匿王大臣名須達多此

云給孤獨給孤長者布金買太子園供佛及僧祇陀感歎施餘未布少地故並名

祇樹給孤獨園也

(丙)二引大衆同聞三初聲聞衆二菩薩衆三天人衆聲聞居首者出世相故常 後者世間相故凡聖品雜故外護職故(丁)初聲聞衆又三初明類標數二表 隨從故佛法賴僧傳故菩薩居中者相不定故不常隨故表中道義故天人列

與大比丘僧千二百五十人俱

位歎德三列上首名(戊)今初

出要二破惡正慧觀察破煩惱惡不墮愛見三怖魔發心受戒羯磨成就魔即怖 大比丘受具足戒出家人也比丘梵語含三義一乞士一鉢資身無所蓄藏專求

師資二百人耶舍子等五十人皆佛成道先得度脫感佛深恩常隨從也 同解戒同修利同均名事和也千二百五十人者三迦葉師資共千人身子目連 也僧者具云僧伽此翻和合衆同證無爲解脫名理和身同住口無諍意同悅見

(戊)二表位歎徳

皆是大阿羅漢之位其衆所知識

聲聞證此淨土不思議法故名大也從佛轉輪廣利人天故爲衆所知識 解脫俱解脫無疑解脫三種不同今是無疑解脫故名大又本是法身大士示作 阿羅漢亦含三義一 應供即乞士果二殺賊即破惡果三無生即怖魔果復有慧

(戊)三列上首名

膝大 長老舍利 離婆多星 利不 根動 迦留陀夷縣 摩訶劫賓那扇 弗外云 摩訶目犍連太 采 周利槃陀伽繼 難陀喜 **薄拘羅等** 阿難陀慶 摩訶迦葉大飲 羅睺羅覆 阿義樓馱無 摩訶迦旃延失 憍梵波提唱 如是等諸大弟子 文 賓頭盧頗羅 摩訶拘絺羅。

淨

土

十要

第

阿彌陀經要解

者身有金光傳佛心印爲初刑頭陀行第一文飾尊者婆羅門種論議第一大膝 尊者答問第一星宿尊者無倒亂第一繼道尊者因根鈍僅持一偈辯才無盡義 德 臘 俱 尊故名長老身子尊者聲聞衆中智慧第一目連尊者神通第一飲光尊

身大士示作聲聞爲影響衆今聞淨土攝受功德得第一義恐檀之益增道損生 星宿第一善容尊者壽命第一無貧尊者亦佛堂弟天眼第一此等常隨衆本法 尊者久住世間應末世供福田第一黑光尊者爲佛使者教化第一房宿尊者知 障尊者佛之太子密行第一牛哃尊者宿世惡口感此餘報受天供養第一不動 持第一喜尊者佛之親弟儀容第一慶喜尊者佛之堂弟復爲侍者多聞第 覆

日淨佛土復名當機衆矣

#### (丁)二菩薩衆

息不 幷諸菩薩 菩薩常精進菩薩與如是等諸大菩薩 摩訶薩文殊師利此 德云 法王子阿逸多斯云 薩無 之能 名· 屬 菩薩乾陀訶提此

菩薩摩訶薩此云大道心成就有情乃悲智雙運自他兼利之稱佛爲法王文殊

離見佛不離聞法不離親近供養衆僧乃能速疾圓滿菩提故。是大;四。緣。理;是。秘。密。藏。不可。忽;過。。。。。。。。。 初彌勒當來成佛現居等覺以究竟嚴淨佛國爲要務故次列不休息者曠劫修· 紹佛家業名法王子菩薩衆中智慧第一非勇猛實智不能證解淨土法門故居 不暫停故常精進者自利利他無疲倦故此等深位菩薩必皆求生淨土以不

(丁)三天人衆

及釋提桓因等無量諸天大衆俱

釋提桓因此云能爲主即忉利天王等者下等四王上等夜摩兜率化樂他化色 色無量諸天也大衆俱謂十方天人八部修羅人非人等無不與會無非淨土色無量諸天也大衆俱謂十方天人八部修羅人非人等無不與會無非淨土

法門所攝之機也通序竟•

(乙)二別序發起序也淨土妙門不可思議無人能問佛自唱依正名字爲發起· 又佛智鑑機無謬見此大衆應聞淨土妙門而獲四益故不俟問便自發起如

淨土十要第

何彌陀經要解

梵網下卷自唱位號云我今盧会那等智者判作發起序例可知也

爾時佛告長老舍利弗從是世界西方過十萬億佛土有世界名曰極樂其土有佛

號阿彌陀今現在說法

億之西是極樂世界也問何故極樂在西方答此非善問假使極樂在東汝又問意之西是極樂世界也問何故極樂在西方答此非善問假使極樂在東汝又問 淨土法門三根普攝絕待圓融不可思議圓收圓超一切法門甚深難信故特告 極樂序依報國土之名也豎約三際以辨時劫橫約十方以定疆隅故稱世界極 者千萬日億个積億至十萬也佛土者三千大千世界通爲一佛所化且以此土 大智慧者非第一智慧不能直下無疑也西方者橫亙直四標示現處也十萬億大智慧者非第一智慧不能直下無疑也西方者橫亙直四標示現處也十萬億 四天下名小千世界千小千名中千世界千中千名大千世界過如此佛土十萬 言之一須彌山東西南北各一洲同一日月所照一鐵圍山所繞名一四天下千 何故在東豈非戲論況自十一萬億佛土視之又在東矣何足致疑有世界名曰

樂者梵語須摩提亦云安養安樂清泰等乃永離衆苦第一安隱之謂如下廣釋

淨 士 + 要 第 阿彌 陀經 要解 亦故觀故 拙是然 入者淨常寂光土分證者穢究竟滿證 空巧度 同居土 者 淨實 五獨重者穢五獨輕者淨方方是同居 淨以凡夫例 聖故 報 無 者 障 一部今云 礙 土次第三觀證 極樂 世界正指同居淨土 **入者穢一** 便 土析空 心圓三頓

樂所 同咸 ·以·上。善。俱。會。故。 横具上三淨土也 居同 獨居 擅極方樂。 是最 極極 樂清 穢此 淨淨 土也宗此 佛論 土修 旨則下十 約不 願性 行德 處土 三性彌德 然無極 陀則 有 號切 佛 不微 號 可塵 阿 彌 思法 議爾 陀。 故具能足 序 IE. 報 **令四** 教 凡種 主 夫淨

功德 之名 複者自 也翻 智慧化身單指 譯如 報身他 下廣釋佛有三身各論單 所現相好 受用報身化身複 色像 法 身 複・ 者, 複 者自性清流 法 身單指所 身應現化 淨法 證 身離 理性・ 身又佛界化 垢 報 身單指能 妙 極 法身 身隨 報 證

議・ 類 化 身雖辨單複三 非 中非示所三 而 **三**而 一不縱橫 不並別離 過 絕非不 可 思

示生化

身

受用

有 今 云 者具四義的標實 如 悉 使· 阿彌陀佛正指同居此論修德以是同居 境, 令 欣 十士 求 故。 生見 誠 一化身仍復即報即法也復次世故。·以。佛·身·隨·横·四·土·現故 語 指示令專一 故簡非乾城 陽燄 界及佛 非權。

非緣影虛妄非保眞 非。邪 偏 但; 破魔。 邪。 權。 小。 故。 迷破 智殿此合 料之 簡調尤非 大邪 有破 關末

係·圓彰性具令深證故今現在說法者簡上依正二有非過去已滅未來未成正 第世上釋迦,不久住羅·勒

應發願往生親覲聽法速成正覺也復次二有現在勸信序也世界名極樂勸願未生無現佛,可依 序也佛號阿彌陀勸持名妙行序也復次阿彌序佛說法序法現在海會序僧佛

法僧同一實相序體從此起信願行序宗信願行成必得往生見佛聞法序用唯

佛界為所緣境不雜餘事序数相也言略意周矣初序分竟。是真。指。前。

甲)二正宗分三初廣陳彼土依正妙果以啓信二特勸衆生應求往生以發願

爲正修如目足並運也(乙)初文爲二初依報妙二正報妙(丙)初又二初徵 三正示行者執持名號以立行信願持名一經要旨信願爲慧行持名爲行行。

釋二廣釋(丁)初又二初徵二釋(戊)今初

舎利弗彼土何故名爲極樂

(戊)二釋又二初約能受用釋二約所受用釋(己)今初

其國 衆生無有衆苦但受諸樂故名極樂

衆 生是能受用人等覺以還皆可名今且約人民言以下下例上上也娑婆苦樂

但受不病不老自在遊行天食天衣諸善聚會等樂方便體觀巧無沈空滯寂之 |水離三苦不同此土對苦之樂乃名極樂一往分別同居五濁輕無分段八苦 其實苦是苦苦偪身心故樂是壞苦不久住故非苦非樂是行苦性遷流故彼 衆苦,極 樂映

究竟等無法身滲漏眞常流注之苦但受稱性圓滿究竟樂然同居衆 苦但受遊戲神通等樂質報心觀圓無隔別不融之苦但受無礙 不思議樂寂 生; 上以持名 。 光

善根福德同佛故圓淨四土圓受諸樂也復次極樂最勝不在上三土而 良 以上之則十方同居遜其殊特下又可與此土較量所以凡夫優入而從容 在同居

超。 而度越佛說苦樂意在於此

己)二約所受用釋此 樂亦 之轉 故釋 下上 廣無 釋有 一衆 科苦 亦但

又舍利弗極樂國土七重欄楯際 淨 土 + 要 第 阿彌陀經要解 畔嚴七 重羅網等 界·七重行樹以 地·皆是四寶周市 七

圍繞是故彼國名爲極樂

重表七科道品四寶表常樂我淨四德周而圍繞者佛菩薩等無量住處也皆

所感亦相似三觀所感以妙眞諦無漏五塵爲體實報淨土是妙假觀智所感亦 增上善業所感亦圓五品觀所感以緣生勝妙五塵爲體方便淨土是即空觀智

分證三觀所感以妙俗諦無盡五塵爲體常寂光土是即中觀智所感亦究竟三

生法無不即空假中所以極樂同居淨境眞俗圓融不可限量下皆做此問寂光觀所感以妙中諦稱性五塵爲體欲令易解作此分別實四土莊嚴無非因緣所

竟依果若寂光不具勝妙五塵何異偏眞法性 惟理性何得有此莊嚴答一一莊嚴全體理性一一理性具足莊嚴方是諸佛究

(丁)二廣釋二初別釋所受二合釋能受所受(戊)初又二初釋生處二結示佛

力(己)个初

金銀 又舍利弗極樂國土有七寶池八功德水充滿其中池底純以金沙布地四邊階道· 琉璃玻瓈合成上有樓閣亦以金銀琉璃玻瓈硨磲赤珠瑪瑙而嚴飾之池中

蓮華大如車輪青色青光黃色黃光赤色赤光白色白光微妙香潔

E 也青色名優鉢羅黃色名拘勿頭赤色名鉢頭摩白色名芬陀利由生身有光故 A. 得寶池蓮胞開敷便可登四岸入法會見佛聞法也華輪者輪王金輪大四十里, 道重屋名樓岑樓名閣七寶樓閣異此方土木丹青也樓閣是住處及法會處但 也充满其中異枯竭汎濫底純金沙異汙泥階道四寶異磚石陛級名階坦途名 六安和異急暴七除飢渴異生冷八長養諸根異損壞諸根及沴戾增病沒溺等 方渾濁一清冷異寒熱三甘美異鹹淡劣味四輕輕異沈重五潤澤異宿腐褪色 舉最小者言若據觀經及無量壽會大小實不可量由同居淨土身相不等故 明住處今明生處寶池金銀等所成不同此方土石也八功德者一澄清異此明住處今明生處寶池金銀等所成不同此方土石也八功德者一澄清異此

淨土十要第

阿彌陀經要解

蓮胞亦有光然極樂蓮華光色無量此亦略言耳微妙香潔略歎蓮華四德質而

非形日微無礙日妙非形則非塵故潔也蓮胞如此生身可知妙。

(己)二結示佛力

舍利弗極樂國土成就如是功德莊嚴

明上住處生處種種莊嚴皆是阿彌陀佛大願大行稱性功德之所成就故能徧此義約佛

成非今非當此則以阿彌種種莊嚴作增上本質帶起衆生自心種種莊嚴全佛承等當。。。 之因以大行作衆生多福德之緣令信願持名者念念成就如是功德而皆是已之因以大行作衆生多福德之緣令信願持名者念念成就如是功德而皆是已 即生全他即自故曰成就如是功德莊嚴。;會是是一義。祇是。一義。 嚴四種淨土普攝十方三世一切凡聖令往生也復次佛以大願作衆生多善根

(戊)二合釋能受所受又二初約五根五塵明受用次約耳根聲塵明受用(己)

初又二初正明二結示(庚)今初

地。其土衆生常以清旦各以衣裓盛衆妙華供養他方十萬億佛即以食時還到本金。其土衆生常以清旦各以衣裓盛衆妙華供養他方十萬億佛即以食時還到本 又舍利弗彼佛國土中常作天樂是黃金為地問 晝夜六時雨天曼陀羅華界·嚴

假日月安分晝夜且頂上方見七十二。,「時然彼土依正各有光明不隨此方情見」。中後名晝三時夜分初中後名夜三時故云晝夜六時然彼土依正各有光明不中後名晝三時夜分初中後名夜三時故云晝夜六時然彼土依正各有光明不 樂是聲塵地是色塵華是色香二塵食是味塵盛華散華經行是觸塵衆生 1月安分晝夜且順此方假說分際耳曼陀羅此云適意又云白華衣裓是盛方,情見。 塵可知常作者即六時也黃金爲地者七寶所嚴地界體是黃金也日分初 五 根

趨 華器衆妙華明非曼陀羅 不離彼上常偏十方不假逾時囘還也此文顯極樂一聲一廛一 難 極 果果德無不偏也且據娑婆言十萬億佛意顯生極樂已還供釋迦彌勒皆 阿彌 神力所加何遠不到哉食時即清 一種應如妙經四華表四因位供養他方佛表眞因會 旦故云即以明其神 足不可

步彈指悉與十方三寶貫徹無礙又顯在娑婆則濁重惡障與極樂不隔而 刹那乃至跨。

極 勞舉拭但 則 功 德甚深與娑婆隔而 經行金地華樂娛樂任運進修而已 不 隔 也飯食經行者念食食至不假安排食畢鉢

(庚)二結示

舍利弗極樂國土成就如是功德莊嚴

(己)二約耳根聲塵明受用以此方耳根最利故別就法音廣明其實極樂攝法 界機五廛一一圓妙出生一切法門也又二初別明二總結(庚)初中二初化

鳥是諸衆鳥晝夜六時出和雅音其音演暢五根五力七菩提分八聖道分如是等 復次舍利弗彼國常有種種奇妙雜色之鳥白鶴孔雀鸚鵡舍利迦陵頻伽共命之 有情聲二化無情聲(辛)初又二初鳥音法利二徵釋略顯(壬)今初

法其土衆生聞是音已皆悉念佛念法念僧

種種奇妙雜色言多且美也下略出六種舍利舊云鶖鷺琦禪師云是春鶯或然

夜良以蓮華託生之身本無昏睡不假夜臥也五根等者三十七道品也所謂四 雪山等處有之皆寄此間愛賞者言其似而已六時出音則知淨土不以鳥棲爲 迦陵頻伽此云妙音未出觳時音超衆鳥共命一身兩頭識別報同此二種西域

心在 行常勤心在真法中行名精進覺分若心得法喜善能覺了此喜不依願倒之法 僞不謬取諸虛僞法名擇法覺分精進修諸道法時善能覺了不謬行於無益苦 長破種種身心懈怠成辦出世大事名精進力念根增長破諸邪念成就一切出 而喜住眞法喜名喜覺分若斷除諸見煩惱之時善能覺了除諸虛偽不損眞正 通別諸惑發眞無漏名慧力七菩提分亦名七覺分智慧觀諸法時善能簡別眞 世正念功德名念力定根增長能破亂想發諸事理禪定名定力慧根增長能遮 四諦名慧根五力者信根增長能破疑惑破諸邪信及破煩惱名信力精進根增 及諸助道善法勤求不息名精進根念正道及諸助道善法更無他念名念根攝 進如意足三心如意足四思惟如意足五根者信正道及助道法名信根行正道 惡法不令生三未生善法令生四已生善法令增長四如意足一欲如意足二精 念處一身念處二受念處三心念處四法念處四正勤,一已生惡法令斷二未生 正道及諸助道善法中相應不散名定根爲正道及諸助道善法觀於苦等

伊

作四諦而修即圓敎道品藏道品名半字法門淨土濁輕似不必用爲小種先熟 名八正道分修無漏行觀見四諦分明名正見以無漏心相應思惟動發覺知籌 之或心浮動當念用除捨定三覺分以攝持之調和適中名念覺分入聖道分亦 拾覺分若發諸禪定之時善能覺了諸禪虛假不生愛見妄想名定覺分若修出 即藏教道品依無生四諦而修即通教道品依無量四諦而修即別教道品依無 IF. 量爲令增長入大涅槃名正思惟以無漏慧除四邪命攝諸口業住一切正語中, 世道時善能覺了常使定慧均平或心沈沒當念用擇法精進喜三覺分以察起 中 道 正語以無漏慧除身一切邪業住淸淨正身業中名正業以無漏慧通除三業 根名除覺分若捨所見念著境時善能覺了所捨之境虛僞不實永不追憶名 五 種 及助道法名正念以無漏慧相應入定名正定此等道品依生滅四諦而修, 邪命住淸淨正命中名正命五邪命 人心· 以無漏慧相應動精進修涅槃道名正精進以無漏慧相應念 占皆相為 吉凶為人說 法 異 四相 高 奇 聲特現二 威自

或暫用之通道品名大乘初門三乘共稟同居淨土多說之別道品名獨 、菩薩

是等法者等前念處正勤如意足等餘四攝六度十力無畏無量法門也三十七

念三寶發菩提心伏滅煩惱也灼見慈威不可思議故念佛法喜入心法味充足。 品收法雖盡而機緣不等作種種開合名義不同隨所欲聞無不演暢故令聞者

故念法同聞共稟一心修證故念僧能念卽三觀所念三寶有別相一體及四教中。

意義三諦權實之不同如上料簡道品應知

## (壬)二| 徴釋略顯

舍利弗汝勿謂此鳥實是罪報所生所以者何彼佛國土無三惡道舍利弗其佛國 尚無惡道之名何況有實是諸衆鳥皆是阿彌陀佛欲令法音宣流變化

所謂究竟白鶴等無非性德美稱豈惡名哉問化作衆鳥何義答有四悉檀因緣徵釋可知問白鶴等非惡道名耶答既非罪報則一一名字皆詮如來究竟功德 

**静土十要第** 

阿彌陀經要解

凡情喜此諸鳥順情而化令歡喜故鳥尚說法令聞生善故不於鳥起下劣想對是第一義中具下三悉。

治分別心故鳥即彌陀令悟法身平等無不具無不造故此中顯微風樹網等音

## (辛)二化無情聲

舍利弗彼佛國土微風吹動諸寶行樹及寶羅網出微妙音譬如百千種樂同時俱

作聞是音者自然皆生念佛念法念僧之心。

發菩提心是生善益由此伏滅煩惱是破惡益證悟一體三寶是入理益也初別 情 也念三寶是從悉檀獲益凡夫創聞大踊偏身是歡喜益與三寶氣分交接必能 與無情同宣妙法四教道品無量法門同時演說隨類各解能令聞者念三寶

#### 明竟。

庚一總結

舍利 弗其佛國 土成就如是功德莊嚴

修在性亦可深長思矣奈何離此淨土別譚唯心淨土甘墮鼠即鳥空之誚也哉是生性。修 所 重結示令深信一切莊嚴皆導師願行所成種智所現皆吾人淨業所感唯識 佛心生心互爲影質如衆燈明各偏似一全理成事全事即理全性起修全。雖可以自己的學問,

初依報妙竟•

(丙)二正報妙二初徴釋名號二別釋主件(丁)初中二初徴二釋(戊)今初・。深。契。佛。意

舎利弗於汝意云何彼佛何故號阿彌陀

此經的示持名妙行故特徵釋名號欲人深信萬德洪名不可思議一心執持無

復疑貳也

(戊)二釋二初約光明釋二約壽命釋阿彌陀正翻無量本不可說本師以光壽

體。 二義收盡一 作關陀身土亦即舉此體作彌陀名號是故彌陀名號即衆生本覺理性持 切無量光則橫偏十方壽則豎窮三際橫豎交徹即法界體舉此

即始覺合本始本不二生佛不二故一念相應一念佛念念相應念念佛也

伊土十

要第一

阿彌陀經契解

#### (己)今初

舍利弗彼佛光明無量照十方國無所障礙是故號爲阿彌陀。

皆照十方皆可名無量光而因中願力不同隨因緣立別名彌陀爲法藏比丘發 心性寂而常照故爲光明今徹證心性無量之體故光明無量也諸佛皆徹性體。

真性此則佛佛道同應身光明有照一由旬者十百千由旬者一世界十百千世 四十八願有光明恆照十方之願今果成如願也法身光明無分際報身光明稱四十八願有光明恆照十方之願今果成如願也法身光明無分際報身光明稱

別耳當知無障礙約人民言由衆生與佛緣深故佛光到處一切世間無不圓見 界者唯阿彌普照故別名無量光然三身不一不異爲令衆生得四益故作此分,方是極樂,淨宗

#### 也

(己)二約壽命釋

又舍利弗彼佛壽命及其人民籍命無量無邊阿僧祇劫故名阿彌陀 心性照而常寂故爲壽命今徹證心性無量之體故壽命無量也法身壽命無始

等法藏願王有佛及人壽命皆無量之願今果成如願別名無量壽也阿僧祇無 無終報身壽命有始無終此亦佛佛道同皆可名無量壽應身隨願隨機延促不

矣及者併也人民指等覺以還謂佛壽命倂其人民壽命皆無量等也當知光壽。 邊. 無量皆算數名質有量之無量然三身不一不異應身亦可即是無量之無量

名號皆本衆生建立以生佛平等能令持名者光明壽命同佛無異也復次由無 量光義故衆生生極樂即生十方見阿彌陀佛即見十方諸佛能自度即普利

現前一念無量光壽之心何處有阿彌陀佛名號而離卻阿彌陀佛名號何由徹 切。 證現前一念無量光壽之心願深思之願深思之 山無量壽義故極樂人民即是一生補處皆定此生成佛不至異生當知離

二別釋主件二初別釋二結示(戊)初又二初主二件(己)今初此亦釋別

序中今現在說法句

舍利弗阿彌陀佛成佛已來於今十劫。

此 明極樂世界教主成就也然法身無成無不成不應論劫報身因圓果滿名成,

應身如月印川亦無成不成不應論劫但諸佛成道各有本迹本地並不可測 應身爲物示生名成皆可論劫又法身因修德顯亦可論成論劫報身別無新

生成辦也又下文無數聲聞菩薩及與補處皆十劫所成就正顯十方三世往生 壽無量今僅十劫則現在說法時正未央普勸三世衆生速求往生同佛壽命 約極樂示成之迹而言即是三身一成一切成亦是非成非不成而論成也又 佛 且

不退者多且易也

(己)二件

又舍利弗彼佛有無量無邊聲聞弟子皆阿羅漢非是算數之所能知諸菩薩衆亦

復如是。

順機說法令斷見思故名羅漢如別教七住斷見思之類非實聲聞也蓋藏通二 他方定性二乘不得生彼若先習小行臨終迴向菩提發大誓願者生彼國已佛

教不聞他方佛名今聞彌陀名號信願往生總屬別圓二教所攝機矣·

(戊)二結示

含利弗彼佛國土成就如是功德莊嚴

聞各各非自非他自他不二故云成就如是功德莊嚴能令信願持名者念念亦佛及聲聞菩薩並是關陀因中願行所成亦是果上一成一切成是則佛菩薩聲。

如是成就也初廣陳彼土依正妙果以啓信竟一。聲。名。號。

(乙)二特勸衆生應求往生以發願二初揭示無上因緣二特勸淨土殊勝謂帶(乙)二特勸衆生應求往生以發願二初揭示無上因緣二特勸淨土殊勝謂帶 業往生橫出三界同居橫具四土開顯四教法輪衆生圓淨四土圓見三身圓

證三不退人民皆一生成佛如是等勝異超絕全在此二科點示須諦研之(

丙) 今初·

數甚多非是算數所能知之但可以無量無邊阿僧祇說 又舍利弗極樂國土衆生総生故者皆是種阿鞞跋致其是不 中多有一生補處其

三念不退心心流入薩婆若海若約此土藏初果通見地別初住圓初信名位不 阿鞞跋致此云不退一位不退入聖流不墮凡地二行不退恆度生不墮二乘地

僅見道位不退非是人民躐等則成大妄進步則捨故稱唯極樂同居一切俱非 若是二乘則非菩薩等若是異生則非同生性等又念不退非復異生行不退非 十念成就帶業往生居下下品者皆得三不退然據教道若是凡夫則非初果等 退通菩薩別十行圓十信名行不退別初地圓初住名念不退今淨土五逆十惡

彌陀之大願何以有此一生補處者只一生補佛位如彌勒觀音等極樂人民普 

所稟卻在此經而天下古今信尠疑多辭繁義蝕余唯有剖心瀝血而已 導歸安養且以此勸進華藏海衆嗟乎凡夫例登補處奇倡極談不可測度華嚴。 時教惟華嚴明一生圓滿而一生圓滿之因則末後普賢行願品中十大願王 一生成佛人人必實證補處故其中多有此等上善不可數知也復次釋迦

舍利弗如 因緣·衆生奉 聞者應當發願願生彼國所以者何得與如是不可

諸上善人俱會一處 前羅漢菩薩但可云善人唯補處居因位之極故云上其數甚多故云諸俱會一 處猶言凡聖同居尋常由實聖過去有漏業權聖大慈悲願故凡夫得與聖人同

間見聞者少幸獲見聞親近步趨者少又佛世聖人縱多如珍如瑞不能徧滿 居至實聖於身權聖機盡便升沈碩異苦樂懸殊乃暫同非究竟同也又天壤之。 土如衆星微塵又居雖同而所作所辦則迥不同今同以無漏不思議業感生俱,如衆星微塵又居雖同而所作所辦則迥不同今同以無漏不思議業感生俱

一處爲師友如壎如篪同盡無明同登妙覺是則下凡衆生於念不退中超盡

四十一因位若謂是凡夫卻不歷異生必補佛職與觀音勢至無 生。

人大事因緣同居一關最難透脫唯極樂同居超出十方同居之外了此方能深。。。。。。。質語。。。。。 處卻可名凡夫不可名等覺菩薩此皆教網所不能收刹網所不能例當

信彌。 也具此深信方能發於大願文中應當一字即指深信深信發願, 陀願力信佛力方能深信名號功德信持名方能深信吾人心性本不可思· 即 無 E

無得生之理修淨業者不可不知也大本阿彌陀經亦以發菩提願爲要正與此。道。頌。。 

同

(乙)三正示行者執持名號以立行二初正示無上因果二重勸(丙)今初

舍利 陀佛執持名號若一日若二日若三日若四日若五日若六日若七日一心不亂 弗不可以少善根福德因緣得生彼國舍利弗若有善男子善女人聞說. 阿 其

臨命終時阿彌陀佛與諸聖衆現在其前是人終時心不顚倒即得往生阿彌陀

佛極樂國土

菩提正道名善根即親因種種助道施戒禪等名福德即助緣聲聞緣覺菩提善

多善根福德散心稱名福善亦不可量況 根 少人天有漏漏業福德少皆不可生淨土唯以願信執持名號則一一聲 一心不亂哉故使感應道交文成印壞 悉

出 彌陀聖衆不來而來親垂接引行人心識, 四 彌 陀佛是萬德洪名以名召德罄無不盡故即以執持名號爲正行不必更涉 在家貴賤老少六趣 四生但 聞。 佛名; 即多劫善根成熟五逆十惡皆名善也 不往 而 往, 託 質 資蓮 也善男女者不論

雖 有。 觀• 西方 高遠因不名聞慧執持則念念憶佛名號故是思慧然有事持理持事持者信 可 fi A sign of a find 想參究等行至簡易至直捷也聞而信信而願乃肯執持不信不願與不聞等 阿彌陀佛, 而未達是 心作佛是心是佛但以決志願求生故如子憶母無

五四四 暫忘理持者信西方阿彌 三二日不定。 一心亦二種· 陀佛是我心具是我心造即以自心所具所造洪名: 不論事持理持持至伏除煩惱乃至見思先盡, 可可的人的

淨

十要第

阿爾陀經要解

背事 土往往勝進亦不一概可謂橫該八教豎徹五時所以徹底悲心無問自說且事方。是極樂等等宗。 究當下圓明無餘無欠上上根不能踰其圖下下根亦能臻其域其所感佛所生 用身佛及諸聖衆現前心不復起生死涅槃二見顚倒往生實報寂光二種極樂 不復起娑婆界中三有顚倒往生同居方便二種極樂世界不爲二邊亂故感受 界當知執持名號既簡易直捷仍至頓至圓以念念即佛故不勞觀想不必參 一心不爲二邊所亂即修慧也不爲見思亂故感變化身佛及諸聖衆現前心 一心不論事持理持持至心崩見本性佛皆理一心事一心不爲見思所亂

者並不勞觀想也問天奇毒峯諸祖皆主參念佛者是誰何謂不必參究答此義 六八尺之像身無量壽佛之名字未嘗不心作心是故觀劣者不勞勝觀而 歎其難信也問觀經專明作觀何謂不勞觀想答此義即出觀經彼 數其難信也問觀經專明作觀何謂不勞觀想答此義即出觀經彼 六大開稱名之門今經因末世障重者多故專主第十六觀當知人根雖 凡 夫心力所及故於第十三別開劣像之觀而 障重者猶 不能念彼佛故於第十此念字謂觀想出觀經 鈍; 稱名

生• 何 出天奇諸祖前祖因念佛人不契釋迦徹底悲心故傍不甘直下詰問一猛 娘則於諸祖成惡逆非善順也進問此在肯心者則可未肯者何得相應 長夜復旦我輩至今日猶不肯死心念佛苦欲執敲門瓦子向屋裏打親

寧保非魔答修心人不作佛觀而佛忽現非本所期故名魔事念佛見佛已是相 亂之後復起惑造業亦得生耶答果得一心不亂之人無更起惑造業之事問大 寶鑑照妖。 應況臨終非致魔時何須疑慮問七日不亂平時耶臨終耶答平時也問七日不 假方便自得心開此一行三昧中大火聚語也敢有觸者寧不被燒問臨終佛現, 者固無日下然燈之理而無目者亦何必於日中苦覓燈炬大勢至法王子云不,而常之極思者。。未,免為難。其,孤,峻。所,謂。難。信。之。法。也。 唯未肯所以要你肯 心相應汝等正信未開如生牛皮不可屈折當知有目

答若無平時七日工夫安有臨終十念一念縱下下品逆惡之人並是夙因成熟

本十念寶王一念平時耶臨終耶答十念通二時晨朝十念屬平時十念得生與

觀

經

十念稱名同屬臨終時

念則但約臨終時問十念一念並得生何須七

名曰 消: 天 無 陀佛與諸聖衆現在其前是人終時心不顚倒即得往生阿彌陀佛極樂國 JF. 如是當知字字皆海印三昧大圓鏡智之靈文也問持名判行行則是助行何名 樓閣層數宛然實無遠近一照俱了見無先後從是西方過十萬億佛土有世界 之外以心性本無外故又仗自心之佛力接引何難即生如鏡中照數十層 稱洪名萬罪滅問散心稱名亦除罪否答名號功德不可思議寧不除罪但不 緣觀經稱佛名故念念中除八十億劫生死之罪此之謂也若福善不多安能 信願不名眞行今全由信願持名故信願行三聲聲圓具所以名多善根福德 行答依一心說信願行非先後非定三蓋無願行不名眞信無行信不名眞願 感臨終遇善友聞便信願此事萬中無一豈可僥倖淨土或問斥此最詳个人 如此之大問臨終猛切能除多罪平日至心稱名亦除罪否答如日出摹闇 極樂亦如是其土有佛號阿彌陀今現在說法亦如是其人臨命終時阿 問西方去此 十萬 億土何得 即生答十萬 億 土不出我現前 一念心性 土亦。 山水 彌

容受雖百年晝夜彌陀十萬 定往生以悠悠散善難敵無始積罪故當知積罪假使有體相者盡虛空界不能 一一聲滅八十億劫生死然所滅罪如爪上土未滅

爲成佛種子如金剛終不可壞佛世 罪 如大地土唯念至一心不亂則如健人突圍而出非復三軍能制耳然稱名便 一老人求出家五百聖衆皆謂無善根佛言

此 知 也由此觀之法華明過去佛所散亂稱名皆已成佛豈不信哉伏願緇素智愚 人無量劫前為虎偪失聲稱南無佛今此善根成熟值我得道非二乘道眼所

視爲淺 於 此簡易直捷無上圓頓法門勿視爲難而輒生退諉勿視爲易而漫不策勤。 而妄致藐輕勿視爲深而弗敢承任蓋所持之名號眞質不可思議能持而妄致藐輕勿視爲深而弗敢承任蓋所持之名號眞質不可思議能持

丙二重勸

聲皆不可思議也

舍利弗我見是利故說此言若有衆生聞是說者應當發願生彼國土 淨 土 + 要 第 阿彌陀經要將

益後 行 是成就慧身不由他悟法門深妙破盡一切戲論斬盡一切意見唯馬鳴龍樹智 死關 佛· 在 唯 在 有信願持名仗他力故佛慈悲願定不唐捐彌陀聖衆現前慰導故得無倒自 見者佛眼所見究盡明了也是 思議 他即自若諱言他佛則是他見未忘若偏重自佛卻成我見顚倒又悉檀 三益事不孤起儻不從世界深發慶信則欣厭二 生 可寒心者也初果昧於出胎菩薩昏於隔陰者裏豈容强作主宰僥倖顢頂。 未除未免隨强偏墜永明祖 頭最難得力無論 也問佛既心 佛見衆生臨終倒亂之苦特爲保任此事所以殷勤再勸發願以願能導。。。。。如為獨則為所言。。。。。。。如為獨則為所言。 事持達理持所以 功德之利也復次是利約命終時心不願倒而言蓋穢土自力修行生功德之利也復次是利約命終時心不願倒而言蓋穢土自力修行生 作心是, **頑修狂慧懡懶無功即悟門深遠操履潛確之人儻分毫** 彌陀聖衆現前即是本性明顯往生彼土見佛聞 何不竟言自佛而必以他佛爲勝何也答此之法門, 利者橫出五濁圓淨四土直 師所謂十人九蹉路陰境若現前瞥爾隨他去 一益尙不能生何況悟入 。 至不 退位盡是為

若 愚夫婦老實念佛者爲能潛通佛智暗合道妙也我見是利故說此言分明以 永明之流徹底擔荷得去其餘世智辯聰通儒禪客盡思度量愈推愈遠又不

佛 眼佛音印定此事豈敢違抗不善順入也哉二正宗分竟

(甲)三流通 分信願持名一法圓收圓超一切法門豎與一切法門渾同橫與

切法門。 募流 為二初普勸二結勸(乙)初中三初勸信流 初中二初略引標題二徴釋經題(丁)初中六初東方至六上方唐譯十方今 通唯佛與佛乃能究盡諸法實相此經唯佛境界唯佛佛可與流通耳文 迎異居見上三土是則約證名 横断約惑 通二勸願流通三勸行流通(丙) 仍深 也於 同 旣 無問自說 誰 堪

略攝故(戊)今初

佛· 舍 三千大千世界說誠實言汝等衆生當信是稱讚不可思議功德一切諸佛所護念 利 大須爾佛須爾光佛妙音佛如是等恆河沙數諸佛各於其國出廣長舌相偏 弗。 如我今者讚歎 阿彌陀佛不可思議功德之利東方亦有阿閦鞞佛・ 須 彌 覆 相

淨

±

要第一

阿彌陀經要解

或 持名號不假禪觀諸方便四一七爲期不藉多劫多生多年月五持一佛名即爲。大·育;功·於·淨·土。。。。 妙門所以徧覆三千表理誠稱眞事實非謬也標出經題流通之本什師順此方 沙耳此等諸佛各出廣長舌勸信此經而衆生猶不生信頑冥極矣常人三世不 議功德之利又行人信願持名全攝佛功德成自功德故亦曰阿彌陀佛不可思 諸佛護念不異持一切佛名此皆導師大願行之所成就故曰阿彌陀佛不可思 不可思議略有五意一横超三界不俟斷惑二即西方横具四土非由漸證三但不可思議略有五意一横超三界不俟斷惑二即西方横具四土非由漸證三但 也東方虚空不可盡世界亦不可盡世界不可盡住世諸佛亦不可盡略舉恆河 議功德之利下又日諸佛不可思議功德我不可思議功德是諸佛釋迦皆以阿 性或相或行願等雖舉一隅仍具四悉隨一一名顯所詮德劫壽說之不能悉 爲自也阿閦鞞此云無動佛有無量德應有無量名隨機而立或取因或取果, 舌能至鼻藏果頭佛三大僧祇劫不妄語舌薄廣長可覆面今證大乘淨土

好略譯个題巧合持名妙行裝師譯云稱讚淨土佛攝受經文有詳略義無增減·

(戊)二南方

恆河沙數諸佛各於其國出廣長舌相偏覆三千大千世界說誠實言汝等衆生當 舍利弗南方世界有日月燈佛名聞光佛大燄肩佛須彌燈佛無量精進佛如是等

(戊)三西方

信是稱讚不可思議功徳一切諸佛所護念經

舍利弗西方世界有無量壽佛無量相佛無量幢佛大光佛大明佛寶相佛淨光佛 如是等恆河沙數諸佛各於其國出廣長舌相偏覆三千大千世界說誠實言汝等

衆生當信是稱讚不可思議功德一切諸佛所護念經

生不妨轉讚釋迦如來所說 無量壽佛與彌陀同名十方各方面同名諸佛無量也然卽是導師亦可爲度衆

(戊)四北方。

淨土十要第一 阿彌陀經要解

舍利弗北方世界有燄肩佛最勝音佛難沮佛日生佛網明佛如是等恆河沙數諸

佛各於其國出廣長舌相偏覆三千大千世界說誠實言汝等衆生當信是稱讚不

可思議功德一切諸佛所護念經

## (戊)五下方

舍利弗下方世界有師子佛名聞佛名光佛達磨佛法幢佛持法佛如是等恆河沙

讚不可思議功德一切諸佛所護念經 數諸佛各於其國出廣長舌相偏覆三千大千世界說誠實言汝等衆生當信是稱

此界水輪金輪風輪之下復有下界非非想天等乃至重重無盡也達磨此云法

## (戊)六上方

含利弗上方世界有梵音佛宿王佛香上佛香光佛大燄肩佛雜色寶華嚴身佛娑 羅樹王佛寶華德佛見一切義佛如須彌山佛如是等恆河沙數諸佛各於其國出

廣長舌相偏覆三千大千世界說誠實言汝等衆生當信是稱讚不可思議功徳一

不答土. 此 界 何 非非 想 西方答此亦非善問假使讚阿閦佛國汝又疑偏 上界風 輪 金輪 及 二界等重 重 無 東 盡 **大方展轉戲** 也問· 諸方 盈論問何 。細·研下 必有淨

#養問. 三義令初機 易標 心故阿 彌 本願勝故佛與 此 土 衆 、生偏 有

固 令 故。 蓋 結 緣種。 佛度生生受化其閒難易淺深總在於 若 世出 世, 悉 不 種能 可 思 議。 令魔障難遮能令體性開發諸佛 破惡 入理 尊隆於教 乘舉揚於海會沁入於苦海慈契於 為 為 為 第 一義 本 從 法 身垂

初。 寂 所以萬德 香。華, 欽承羣靈 聲。 色乃至受懺授。 拱。極• 當 知 佛 記摩。 種 從緣起緣卽法界一念一 頂。 垂手十方三世莫不 切。念; 融。 故。 此。 生。 .\_\_. 0

此 IE. 所謂 徧 緣法界者 淺位人便可決志專 求。 深。位。

10

·何。以,加,於,法,界。 謂 西 是權華藏 質西方小華藏大者全墮衆

淨土

第

[m]

彌

陀經

要

淨 一後釋經題 土 + 要

之所護念皆得不退轉於阿耨多羅三藐三菩提是故舍利弗汝等皆當信受我語 善男子善女人聞是經受持者及聞諸佛名者是諸善男子善女人皆爲一切諸佛 舍利弗於汝意云何年歌功傷之名,何故名為一切諸佛所護念經耶舍利弗若有

及諸佛所說。 不亂方爲聞諸佛名蒙諸佛護念此局義也通義者諸佛慈悲不可思議名號功 生決定信解但獲世閒善報不得廣大深妙利益若到一行三昧則成廣大微妙 得護念不退耶答此義有局有通占察謂雜亂垢心雖誦我名而不爲聞以不能 叉聞經受持即執持名號阿彌名號諸佛所護念故問但聞諸佛名而未持經亦 此經獨詮無上心要諸佛名字並詮無上圓滿究竟萬德故聞者皆爲諸佛護念 心名得相似無生法忍乃爲得聞十方佛名此亦應爾故須聞已執持至一心

德亦不可思議故一聞佛名不論有心無心若信若否皆成緣種況佛度衆生不

護念位在別地圓住蓋約自力必入同生性乃可護念今仗他力故相似位即蒙 簡怨親恆無疲倦苟聞佛名佛必護念又何疑焉然據金剛三論根熟菩薩爲佛

果覺也圓三不退乃一生成佛異名故勸身子等皆當信受聞名功德如此釋迦 力亦得遠因終不退也阿耨多羅此云無上三藐三菩提此云正等正覺即大乘 護念乃至相似位以還亦皆有通護念之義下至一聞佛名於同體法性有資發

及十方諸佛同所宣說可不信乎初勸信流通竟

(丙)二勸願流通

於阿耨多羅三藐三菩提於彼國上若已生若今生若當生是故舍利弗諸善男子 舍利弗若有人已發願今發願當發願欲生阿彌陀佛國者是諸人等皆得不退轉

善女人若有信者應當發願生彼國土

信亦不生故云若有信者應當發願又願者信之券行之樞尤爲要務舉願則信 已願已生今願今生當願當生正顯依信所發之願無虛也非信不能發願非願

土 十 要 第 一 阿彌陀經要解

話世

牛要 轉。 一發願持名臨終定生淨土二約刹那名今一念相應一念生念念相應念念生期非談, 有此義方能·深入·一·行·三·昧·。。。。。。。 於大菩提道問今發願但可云當生何名今生答此亦二義一約一期名今現。。。。。。· 日提道問今發願但可云當生何名今生答此亦二義一約一期名今現一種弘誓相應欣求極樂與依道滅二諦所發二種弘誓相應故得不退夢不了所以。雖修無功,一數不可所以。雖修無功,一數不可所以。雖修無功,一數不可所以。與修無功,

名蓮萼光榮金臺影現便非娑婆界內人矣極圓極頓難議難思唯有大智方能, 此,即理之事,非,徒,論,理,。。。。 妙 因 妙果不離一心如稱兩頭低昂時等何俟娑婆報盡方育珍池只今信願持

諦信。

丙)三勸行流通二初諸佛轉讚二敦主結歎(丁)今初·

作是言釋迦牟尼佛能爲甚難希有之事能於娑婆國土五濁惡世劫濁見濁煩 舍 利 弗 如我今者稱讚諸佛不可思議 功德彼諸佛等亦稱讚我不可思議功德而 惱

佛 功 德智慧雖皆平等而施化則有難易淨土成菩提易濁世難爲淨土衆生

·命濁中得阿耨多羅三藐三菩提為諸衆生說是一切世間難信之法。 。此句重在持名故是勒行。

濁

衆

生

濁

說 法 猶 法易爲濁世衆生難爲濁世衆 易說淨土橫超頓法尤難爲 濁世衆 生說漸法猶易說頓法難爲 生說 淨土橫 超頓修頓證妙 濁 世衆 觀 生說餘頓 自

故名爲 及諸 滿 莊。 鈍使煩惑增盛謂貪瞋癡慢疑煩動惱亂故名爲濁煩惱濁中非即凡心是佛鈍使煩惑增盛謂貪瞋癡慢疑煩動惱亂故名爲濁煩惱濁中非即凡心是佛 難。 中. 行必不能 非帶業橫出之行必不能度 百歲故名 中之難故十方諸佛無不推 邪見昏昧汨沒故名爲 濁 衆生濁。 藉劬勞修證, 度衆 陀佛; 濁命 中。 生濁者見煩惱所感 轉劫 非欣厭之行必不能度命濁者因 但持名 濁爲清淨海會轉 見濁者五利使邪見增盛 我釋迦偏爲勇猛 號徑登不退奇特勝妙超 飍 弊五陰和合假名衆 見濁爲無量光轉 也劫獨者獨法聚會之時劫 果並劣壽命短促乃 謂身見邊見見取戒 出思議第一方便; 煩 度復次祇此信願 生色心並皆陋 惱 濁 五 取,

秤

土

+

要

衆生濁

爲

連

華化生轉命濁爲無量壽故

聲阿彌陀佛即釋迦。

惡世所得之阿耨多羅三藐三菩提法令以此果覺全體授與濁惡衆生乃諸佛。有詩哉。。。

所行境界唯佛與佛能究盡非九界自力所能信解也諸衆生別指五濁惡人一

切世間通指四土器世間九界有情世間也

(丁)二教主結歎前勸信流通是諸佛付囑此本師付囑囑語略別從通但云一

切世間猶前諸佛所云汝等衆生當知文殊迦葉等皆在所囑 也。

舍利弗當知我於五濁惡世行此難事得阿耨多羅三藐三菩提爲一切世間說此

難信之法是爲甚難

惡世示得菩提以大智大悲見此行此說此衆生何由稟此也哉然吾人處劫濁信願持名一行不涉施爲圓轉五濁唯信乃入非思議所行境界設非本師來入 中決定為時所囿為苦所偪處見濁中決定為邪智所纏邪師所惑處煩惱濁中,五。必不能度之訓命觀。

決定爲貪欲所陷惡業所螫處衆生濁中決定安於臭穢而不能洞覺甘於劣弱

不能奮飛處命濁中決定爲無常所吞石火電光措手不及若不深知其甚難

m

此一行此本師所以極口說其難甚而深囑我等當知也初普勸竟

(乙)二結勸

佛說此經已舍利弗及諸比丘一切世間天人阿修羅等聞佛所說歡喜信受作禮

而去。

忘名受感大恩德投身歸命名作禮依教修持一往不退名而去。 法門不可思議難信難知無一人能發問者佛智鑑機知衆生成佛緣熟無問 說令得四盆如時雨化故歡喜信受也身心怡悅名歡喜毫無疑惑名信領納不

議法門其何能淑旭出家時宗乘自負藐視教典妄謂持名曲爲中下後因大病議法門其何能淑旭出家時宗乘自負藐視教典妄謂持名曲爲中下後因大病 經云末法億億人修行罕一得道唯依念佛得度嗚呼今正是其時矣捨此不思 。現 身

肯死心執持名號萬牛莫挽也吾友去病久事淨業欲令此經大旨辭不繁而 西歸 復研妙宗圓中二鈔及雲棲疏鈔等書始知念佛三昧實無上寶王

不退信疑皆植道種讚謗等歸解脫仰唯諸佛菩薩攝受證明同學友人隨喜加

被西有道人萬益智旭團筆故跋時年四十有九

佛說阿彌陀經要解

萬德慈尊別言自性彌陀不幾心外有佛佛外有心耶靈峯大師深悟心性無 經云三界唯心萬法唯識古人云念自性彌陀生唯心淨土合觀之是心作佛是 心是佛心外無佛佛外無心之義明矣後人不達捨西方極樂別言唯心淨土捨

且使希有甚難之宗如聲鼓鐸盡開經藏無復匱藏誠古今所未有也名曰要解 外之體特爲此經拈出要解一展讀時信願持名人可自操其券不唯言簡意周

其斯爲無上心要矣乎古吳淨業弟子正知去病氏謹識·

## 

也因退而紀之甲午冬老人病中口授數處令改正此本遂稱尤當及老人西逝公之後獲聞法要覺老人此翻心膽盡吐蓋秘密之藏會當大啓於今時非偶然 此本係性旦癸巳歲在歙浦栖雲院所聽錄者於時隨允持循蒼暉晟堅密時諸 性旦以病拙藪逋薄脳多障無緣流通闡播聊識其後以誌不忘云庚子夏華陽

學人性旦拭涕跋

伊土十要第

阿彌陀無要解

若 莊 願 同 盡 悉 下 上 有 生 此 發 濟三途 報 嚴 以 此 見 佛 善 極 四 重 淨 功 提 聞 樂 報 苦 思 土 德 國 身 2 者

阿彌陀經要解

電 承 印 地 地 址: 印 行: 話:(〇四)二二三二八二二 址: 南投縣水里鄉頂 段村川頭巷十五號之一 : 金星 **递因寺大專學生齊戒學會** 台 中 堂印 市 成 刷 功 路二六 廠 有 限 九 公 號 司

中華民國七十九年六月恭印伍仟冊



